



玉蘭花

阮隔壁彼間國中，校園內底有幾若欖懸挂天的樹仔，平常時看個青翠秋清，若對植物無研究的人，其實是看袂出是啥物樹仔。六月天若到，免看，用鼻的就知。

六月南風吹，就鼻會出玉蘭花已經開矣。熱天透早六、七點，日頭軟軟仔，挂挂仔好予花的芳味先精神起來，風猶涼涼仔，花芳就和涼風做伴慢慢仔行，一戶一戶探訪、行踏。個恬恬仔來到客廳，予我暫時袂記得熱天的日頭足燐，個輕輕仔幹入來飯廳；看我早頓是毋是食有飽；個閣飛入來房間看我照鏡。我慢慢仔欸一下氣，熱天竟然有春天的花味，對喙邊笑到心肝穎仔！

玉蘭花的芳味會啗人，予人無張持就想欲加欸幾喙仔清甜仔清甜的空氣。挂著歇暍日毋免趕上班的日子，心肝頭會擦擦，想欲探看送花芳來阮兜的是佢一蕊。順花芳行到玉蘭花的樹欖，滿滿是白雪雪的玉蘭花，有的花開，有的含蕊。躡躡尾一蕊鼻過一蕊，心花嘛一蕊仔一蕊綴咧開。滿樹欖的芳花，有福氣鼻著的攏嘛精神百倍。

我誠愛玉蘭花，毋過，若駛車停佇青紅燈有人砑我的車窗咧喝賣，我攏毋敢買。因為個揸咧賣的玉蘭花，哪會有野芳味？我捌好心共個買過，毋過，吊佇車內，鼻久頭殼煞會眩。哪會按呢？彼毋是軟軟的日頭、涼涼的風送來阮兜的花芳，彼毋是來自大自然內底逐蕊清芳的樹欖。賣花的人嘛是無辜的啦！聽講是對大賣割來的，有捫過芳水，閣驚罔久會失去花蕊白白的雅氣，防腐劑嘛噴袂少，煞礙著玉蘭花的芳味佻色緻。我因為較過敏，鼻著野芳會頭眩眩擋袂牢，驚按呢駛車會慘，便若人共我鼓舞，我攏毋敢買，干焦會當佇心肝內會失禮。

遐的賣花的人攏是艱苦人，有斷手的，有跛跛的，為著一仙五釐，趁人停紅燈的時躡來躡去。有一擺，我看著一個人長短跛、跛咧跛咧，身軀敲四、五十度，行路都足困難，閣笑笑仔咧賣玉蘭花。我停佇第五台，伊踉咧踉咧，一台行過一台，我的目屎煞綴伊的跛步輾落來。等伊行到我遮，我足感謝天地予我好跤好手，有通穿閣有通食。好佳哉是六月天玉蘭花當開，袂有野芳味。我緊共車窗搖落來，提十箍來迎接花芳……

作者：王秀容

☆詞彙學習☆

【秋清】tshiu-tshìn：又唸作 tshio-tshìn。涼爽。清涼舒爽。

【精神】tsing-sîn：睡醒。

【燐】hannh：又唸作 hah。天氣炎熱，熱氣逼人。

【欸】suh：吸。

【無張持】bô-tiunn-tî：不小心。沒注意到。

【擦】ngiau：癢。此指內心蠢蠢欲動。

【躡躡尾】neh-kha-bué/nih-kha-bé：踮起腳尖。

【大賣】tuā-bē/tuā-buē：批發的生意，指成批買賣商品。

【割】kuah：引申為分配或劃分東西。

【捫】hiù：灑。指少量而快速地。

【敲】khi：傾斜。

【踉】uáinn：又唸作 uaih。足踝扭到。